



Broj: 17-07-10-100-9/2025
Datum: 10.7.2025. godine

Izvještaj o zaprimljenim i riješenim zahtjevima za pristup informacijama u periodu od 1.4.2025. godine do 30.6.2025. godine

Ovaj Izvještaj je dio izvršenja zakonske obaveze proizašle iz člana 17. Zakona o slobodi pristupa informacijama na nivou institucija Bosne i Hercegovine („Službeni glasnik BiH“, broj 61/3; u daljem tekstu: Zakon).

Visoko sudsko i tužilačko vijeće Bosne i Hercegovine (u daljem tekstu: VSTV BiH) je u periodu od 1.4.2025. godine do 30.6.2025. godine, **zaprimilo 27 (dvadeset sedam) zahtjeva za pristup informacijama, uključujući 3 (tri) žalbe** izjavljene Žalbenom vijeću pri Vijeću ministra Bosne i Hercegovine (u daljem tekstu: Žalbeno vijeće), koje su obrađene u skladu sa odredbama navedenog Zakona. Tražene informacije odnosile su se na lične finansijske izvještaje nosilaca pravosudnih funkcija, disciplinske postupke protiv nosilaca pravosudnih funkcija, informacije u vezi sa postupkom imenovanja nosilaca pravosudnih funkcija, prijedloge amandmana na Prijedlog Zakona o VSTV-u BiH, statute predmeta i informacije u vezi sa podnescima upućenim VSTV-u BiH, tonske zapise sa sjednica VSTV-a BiH, statute i podatke iz predmeta Ureda disciplinskog tužioca (u daljem tekstu: UDT), informacije u vezi sa uspostavom Odjela za provođenje postupka po izvještajima, statističke podatke iz Sistema za automatsko upravljanje predmetima u sudovima i tužilaštvima (CMS i TCMS), podatke u vezi sa predmetima u nadležnosti sudova u Bosni i Hercegovini, te obrasce izvještaja o imovini i interesima sudija, tužilaca i članova VSTV-a BiH.

Od navedenog ukupnog broja zaprimljenih zahtjeva za pristup informacijama i žalbi upućenih Žalbenom vijeću, 16 (šesnaest) zahtjeva su uputila fizička lica, 9 (devet) zahtjeva su uputila pravna lica, dok su u 2 (dva) predmeta podnosioci zahtjeva bili novinari različitih medijskih kuća.

Pristup informacijama **odobren** je u 11 (jedanaest) predmeta, odnosno u 10 (deset) predmeta se postupalo u skladu sa članom 25. stav (1), a u vezi sa članom 26. stav (4) Zakona, te je dodatno u 1 (jednom) predmetu odobren pristup informacijama uz obavezu uplate naknade materijalnih troškova shodno Odluci o visini naknade materijalnih troškova u skladu sa Zakonom o slobodi pristupa informacijama na nivou institucija Bosne i Hercegovine („Službeni glasnik BiH“, br. 63/24).

Djelomično je **odobren** pristup informacijama u 2 (dva) predmeta, na način da je podnosiocu zahtjeva dostavljen dio informacija koje su u posjedu institucije, dok je za preostali dio traženih informacija iz zahtjeva u jednom predmetu odbijen pristup informacijama zbog neposjedovanja. U odnosu na drugi predmet, pristup dijelu informacija odbijen je u skladu sa Zakonom, dok je u preostalom dijelu pristup informacijama odbačen djelomično zbog neposjedovanja traženih informacije te djelomično kao neuredan zahtjev.

U navedenom periodu zaprimljen je 1 (jedan) zahtjev koja je djelomično bio **van nadležnosti** VSTV-a BiH, te je, shodno zakonskoj proceduri, proslijeđen nadležnim tijelima na dalje postupanje, dok je za preostali dio traženih informacija koje su pod kontrolom VSTV-a BiH podnosiocu zahtjeva upućena obavijest da se podnesak ne smatra zahtjevom jer zahtjeva analitiku i kreiranje informacije.

Pristup informacijama **odbijen** je u 3 (tri) predmeta, te je u 2 (dva) predmeta upućen **poziv za ispravku**, u skladu sa odredbama člana 23. stav (3) Zakona, odnosno člana 25. stav (2) Zakona.


U 5 (pet) predmeta je podnosiocima zahtjeva upućena obavijest da se **podnesak ne smatra zahtjevom**, u skladu sa članom 23. stav (6) i članom 26. stav (2) Zakona, budući da zahtjeva analitiku i kreiranje nove informacije.

U navedenom periodu, upućene su 3 (tri) **žalbe Žalbenom vijeću pri Vijeću ministra Bosne i Hercegovine** (u daljem tekstu: Žalbeno vijeće), od čega su 2 (dvije) riješene na način da je Žalbeno vijeće donijelo rješenja kojim su žalbe odbijene kao neosnovane. U 1 (jednom) predmetu je ponovljen zahtjev za pristup statističkim podacima, odnosno traženo je preispitivanje odluke o odbijanju pristupa informacijama u predmetu, zbog čega je isti upućen Žalbenom vijeću na dalje postupanje i procedura je u toku.

Prema informacijama kojima raspolaže Vijeće, nije bilo inspekcijskog nadzora i registrovanih prekršaja zbog povrede prava na pristup informacijama i ponovne upotrebe dokumenta.

Sastavni dio ovog Izvještaja čini detaljni statistički pregled zahtjeva za pristup informacijama koje je VSTV BiH zaprimio u skladu sa Zakonom u formi Excel tabele.

Izvještaj sačinila:



Edisa Šikalo, službenica za informisanje